

Entrante dos di december

Lo bay tin cambio grandi pa trafico na Oranjestad



Por mira cambio den Havenstraat cu ta habri den direccion original atrobe.



Por mira cambio den Schelpstraat cu ta bolter di direccion.

ORANJESTAD – Durante e renobacion di caya grandi varios caminda den centro di Oranjestad a keda cera. Na mes momento a cambia direccion cu hopi trafico tabata circulando den centro di Oranjestad. Aunke no ta tur trabou a finalisa, entrante dos di december ta bay tin cambionan grandi den centro di Oranjestad un biaha mas. E cambionan aki ta mas bien na cuminsamento di caya grandi.

CAMBIO

Entrante 2 di december Havenstraat ta habri (den direccion cu e ta originalmente di pariba bay pabouw) Schelpstraat ta bay bolter den direccion. Actualmente por drenta Schelpstraat di comienso di caya grandi. Esaki ta bay cambia, pues trafico ta drenta Schelpstraat via di Weststraat na haltura di Aruba Trading.

HABRI

E pida caminda di Emmastraat entre Emanstraat y Daniel Leo ta habri bek manera tabata e caso den pasado. E situacion parti west di Oranjestad ta ser re estableci manera original. Hopi importante ta cu e crusada Wilhelminastraat-Havenstraat-Kazernestraat (dilanti Renaissance TOUS y ex Casa Tua) lo tin un cambio door di e habrimiento di e cayanan Emmastraat y cambio di direccion di Schelpstraat

SERA

Apesar di e cambionan aki mester tene cuenta cu dos crusada den centro di caya grandi. E crusada cu ta pasa na haltura di Wulfesen en Wulfesen (Waterweg) y esun na haltura di Digi cel (Kruisweg) ta keda cera pa un siman, pa haci algun trabou relaciona cu e proyecto di caya grandi. □



Cambio na e pida caminda di Emmastraat entre Emanstraat y Daniel Leo ta habri bek.